



Universitätsbibliothek Paderborn

Acta Ecclesiae Mediolanensis

Actorvm Ecclesiae Mediolanensis, Pars Tertia - In Qva, Liber Memorialis Ad
populum Ciuitatis, & Dioecesis Mediolanensis, A Beato Carolo Borromaeo
Titvli Sanctae Praxedis compositus continetur

Borromeo, Carlo

Brixiae, 1603

Exemplum capitis literarum Episcopi Dhertonses, ad Cardinalem sanctæ
Praxedis Archiep.

urn:nbn:de:hbz:466:1-10502

prece, ad sedem Pontificalem sub vmbella accessit. Reuerendissimus D. Episcopus Cremonensis Missæ sacrum ritu Ambrosiano peregit: iisdem planè seruatis, quæ superius dicta sunt.

Aboluto Missæ sacro, sessionalis locus statim suo ordine dispositus fuit; & Illustrissimus Metropolitanus, ac Reuerendissimi Patres, vt in prima sessione dictum est, mitram & pluuialia induunt primò, tum in sessionem descendunt: omnibusque ordine dispositis, Illustrissimus Metropolitanus ad præscriptum libri Pontificalis statas preces exorditur: abfolutoque Euangelio Reuerendiss. Dominus Episcopus Cremonensis, comitantibus & assistentibus duobus Diaconis pretioso apparatus indutis, suggestum ascendit, & euangelicam lectionem interpretando mira eloquentia & singulari pietate de Episcopali munere concionatus est.

Concione absoluta, & Reuerendissimis Patribus in sessione suo loco & ordine confidentibus, nempe Dertonensi, Cremonensi, Bergomeni, Brixienti, Astensi, Alexandrineni, Albeni, & Intimilliensi, ac item Reuerendissimo Episcopo Cafalensi, qui hodie primùm ad Synodum venit, & omnibus vsque ad finem Concilij gestis interfuit, A Cantoribus himnus [Veni Creator,] Illustris. Metropolitanus præcinente decantatus est, & aliæ preces recitæ: tum primùm comparauerunt RR. Promotores, & in hanc sententiam institerunt super promulgatione decretorum.

Instantia de promulgandis decretis.

Illustrissime & Reuerendissime Metropolitanæ, Decreta in proxima congregatione sancita, & communi Reuerendiss. Patrum consensu comprobata, in hac sextæ synodi prouincialis sessione edici ac promulgari omni debita reuerentia instamus & requiramus.

Tum Magister Cæremoniarum tradidit Illustrissimo Metropolitanus fasciculum decretorum. Mox R. D. Archidiaconus ad Illustriss. Metropolitanum accessit, & ab eo decreta illa promulganda reuerenter accepit, & ascendens am-

Pars III.

bonem præfatiunculam illam, quæ in qualibet sessione ante decretorum promulgationem legi solet, habetur que initio decretorum Concil. 6. recitauit ac promulgauit: & statim descendens fasciculum decretorum promulgandorum Cancellario tradidit: qui ambonem eundem ascendens, ea omnia promulgauit: ijsque abfolutis sententias patrum de more rogauit.

Cum iam hora esset tarda, RR. Promotores pro futura tertia & vltima sessione institerunt: eaque indicta, cum rogitu Actorum, sessio de more vt in prima dictum est, fuit absoluta ac dimissa.

Congregatio publica.

In hac congregatione, Reuerendi Promotores institerunt apud Illustrissimum Metropolitanum pro exhibendis facultatibus absentie a Reuerendissimis Episcopis.

Illustris. Metropolitanus cum ipse anno 1579. ob multa, & ea quidem graui negotia, post celebrationem Conc. Prouincialis quinti Romam ad Sanctiss. D. N. profectus esset; vt Tridentino decreto satisficeret, a Reuerendissimo Episcopo Dertonensi, antiquiori suffraganeo, facultatem, qua a sua ecclesia Mediolanensi abesse ei liceret, scripto impetrauit, literis datis Dertonæ oct. Calen. Octobris 1579. In quibus inter alia hoc caput continetur, quod etiam in Congregatione Cancellarius legit.

Exemplum capitis literarum Reuerend. Episcopi Dertonen. ad Illustriss. Cardinalem S. Præcedis.

Causas præterea intellexi suscepti itineris tui, quas exactè & adamus sim in suis literis Amplit. tua Illustriss. recenset: partim scilicet, vt nonnulla charitatis officia non leuibus de causis Mantuæ obiret; partim vt religionis gratia Camaldulensium heremum, & sacram Beatissimæ Virginis Lauretti domum inuisitaret, indeque se Romam conferret, pro ecclesia sua Metropolitana de Coepiscoporum Prouincialium negotijs cum Sanctiss. D. N. tractandis, & vt decreta

L quarta

quartæ & quintæ synodi auctoritate apostolica comprobarentur. Cuius quidem prudens consilium, & itineris suscepti causas, vt ipsa a me petit, pro ea quæ mihi tanquam antiquiori Episcopo suffraganeo ex præscripto Tridentini Concilij attributa est, potestate, non solum omnes vt iustas & legitimas approbo, immò pro totius prouinciæ ecclesiarum, & suæ Metropolitanæ bono, eas necessarias existimo; ob id quæ sibi tandem abesse licere, vt ea negotia, quorum causa iter suscepisti peracta, & decreta Synodi recognita fuerint.

His literis lectis, Illustriss. Metropolitanus a Reuerendiss. Patribus requisit, vt munus cognoscendi super huiusmodi facultate absentia suæ suscipere vellent. Verùm Reuerendiss. Patres ex communi voto hoc negotium totum Reuerendiss. Episcopo Cremonensi commiserunt.

Mox Cancellarius de mandato Illustrissimi Metropolitanus ex præscripta formula vocauit Procuratores Episcoporum absentium.

Qui per R. D. Archidiaconum præsentate Magistro Cæremoniarum ad Illustriss. Metropolitanum introducti, concordantes & consentientes omnes nomine principalium suorum petierunt certum terminum sibi statui ad exhibendas & allegandas causas absentia Reuerendissimorum Dominorum suorum Principalem ab eorum Dicecesibus.

Quibus auditis Illustrissimus Metropolitanus ita decreuit.

Decretum certi temporis, intra quod Reuerendiss. Episcopi causas & facultates absentia exhibeant.

Nos Carolus &c. Omnibus & singulis Reuerendissimis huius prouinciæ Coepiscopis, qui ab ecclesijs suis singulis annis vltra tres menses etiam interruptos abfuerunt & absunt, assignamus terminum quatuor mensium, ad allegandum causas absentia ab eorum ecclesijs, vltra trimestre etiam interruptum, & exhibendum facultates scripto exaratas, & concessas a Sanctiss. D. N. seu a nobis, aut nobis absentibus a Reueren-

dissimo Episcopo Dertonensi antiquiore suffraganeo; quo termino elapso agatur ad præscriptum Concilij Tridentini.

Deinde vocati sunt Procuratores capitulorum.

Tum Testes Synodales, qui pro sui officij ratione ea referrent, quæ sui essent muneris.

Vocatione demum ex ordine tabellæ absoluta, Reuer. Promotores petierunt Congregationem proximè sequentem differri.

Congregatio priuata.

Feria ij. die xxj. presentis mensis Maij Congregatio priuata est habita, & in hac circa finem interfuerunt omnes superiores Regularium: inter quos aderant admodum Reueren. Patres Generales, Fratrum Minorum de obseruantia, & Franciscanorum conuentualium, qui visitationis gratia Mediolani hoc tempore commorabantur. Illustriss. Metrop. & Reuerendiss. Patres de executione decretorum Prouincialium & edictorum, præsertim quæ ad obseruationem dierum festorum, & modum religiosè & piè in Ecclesijs versandi pertinent, & eorum quæ pro bono regimine Monialium hæcenus constituta sunt, & singulariter egerunt pro remedio efficaci & absoluto adhibendo, vt in omnibus Ecclesijs, etiam regularium, mulieres ad præscriptum velata sint. Vt laici omnino arceantur a choro. Vt instrumentorum musicorum vsus in Ecclesijs perpetuò interdictus sit, vt etiam alias cum ipsis regularium superioribus in Congregatione conclusum fuit. Omnes polliciti sunt pro sua virili effecturos, vt decreta & edicta prædicta in suis Ecclesijs seruentur: verùm Illustriss. Metrop. ipsis minatus est de efficaciore etiam remedio a Sanctiss. D. N. implorando, si negligentes erunt.

Congregatio publica.

Die xxij. hora xxj. Habita est de nocte Congregatio publica, quæ vltima fuit.

Inser